

Headline	21 individu dicekup ketika leka berjudi		
MediaTitle	Sinar Harian		
Date	23 Jun 2021	Language	Malay
Circulation	140,000	Readership	420,000
Section	Nasional	Page No	27
ArticleSize	362 cm ²	Journalist	SYAJARATULHUDA MOHD
PR Value	RM 23,023		



21 individu dicekup ketika leka berjudi

Dikompau RM4,000 setiap seorang, pemilik kena RM20,000

Oleh SYAJARATULHUDA MOHD ROSLI

GEORGETOWN

Seramai 21 individu termasuk dua wanita ditahan dan dikompau kerana didapati bermain judi di sebuah rumah kedai di Gat Lebu Macallum di sini pada Isnin.

Ketua Polis Daerah Timur Laut, Asisten Komisioner Soffian Santong berkata, serbuan pada jam 5.30 petang itu mendapati salah seorang daripada mereka merupakan pemilik premis yang menganjurkan kegiatan judi tersebut.

Menurut beliau, kesemua

mereka dikompau RM4,000 setiap seorang, manakala pemilik premis dikompau sebanyak RM20,000 kerana melanggar prosedur operasi standard (SOP) ketika Sekatan Pergerakan Penuh masih berkuatkuasa.

“Kita menerima maklumat berhubung kegiatan bermain judi di sebuah rumah kedai lalu menyerbu premis berkenaan. Hasil daripada pemeriksaan, terdapat 19 lelaki dan dua wanita sedang berkumpul dan bermain judi di dalam premis tersebut.

“Kita merampas wang tunai berjumlah RM4,000 dipercayai wang pertaruhan, manakala mereka yang ditangkap berusia 30 hingga 64 tahun direman dua hari sehingga esok (Rabu),” katanya ketika dihubungi *Sinar Harian* pada Selasa.

Beliau memberitahu, seramai 20 orang yang ditangkap itu mempunyai rekod lampau melibatkan kes dadah dan jenayah.

“Kesemua mereka dikenakan



Kesemua yang ditahan dikompau sebanyak RM4,000 manakala pemilik premis dikompau RM20,000.

kompaun kerana kesalahan mengikut Peraturan 10 (1) Peraturan-Peraturan Pencegahan dan Pengawalan Penyakit Berjangkit (Langkah-Langkah Di Dalam Kawasan Tempatan Jangkitan) (No 3) 2021 iaitu berhimpun di dalam premis dalam kawasan tempatan jangkitan.

“Pemilik premis juga disiasat

mengikut Seksyen 4(1)(c) Akta Rumah Judi Terbuka 1953 kerana disyaki menganjur aktiviti perjudian, manakala yang lain disiasat di bawah 6(2) Akta Rumah Judi Terbuka 1953 kerana disyaki bermain judi di dalam bangunan,” katanya.

Tambah Soffian, polis turut mendapat kerjasama Tenaga

Nasional Berhad (TNB) yang memotong bekalan elektrik di premis berkenaan pada jam 10 pagi Selasa.

Jelasnya, tindakan pemotongan bekalan elektrik di premis tersebut dibuat mengikut Seksyen 21A(1) Akta Rumah Judi Terbuka 1953 (Akta 289 Pindaan 2001).